



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶՊԵՏԱՐԱՆԻ ԵՎ «ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ՄԻՋԵՎ

ք. Գավառ

«22» մարտի 2022թ.

Սույն համագործակցության հուշագիրը (այսուհետ՝ Հուշագիր) կնքվում է «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) և Հայաստանի Հանրապետության Գեղարքունիքի մարզպետարանի (այսուհետ՝ Մարզպետարան) միջև:

Հաշվի առնելով Ինստիտուտի և Մարզպետարանի փոխադարձ համագործակցությունը և «պետություն - կրթություն - տնտեսություն - զարգացում» քառամիասնության ապահովման ձգտումը.

Կարևորելով պրակտիկ հետազոտությունների համատեղ իրականացումը և արդյունքների ներդրումը ի շահ Հայաստանի Հանրապետության.

Բարձր գնահատելով Ինստիտուտի և Մարզպետարանի պատրաստակամությունը համատեղ պրակտիկ հետազոտությունների իրականացման, ուսանողների պրակտիկաների կազմակերպման, համատեղ գիտագործնական միջոցառումների կազմակերպման համատեքստում.

Հիմք ընդունելով փոխադարձ պայմանավորվածությունները.

Որոշեցին կնքել սույն Հուշագիրը հետևյալի մասին՝

1. Համագործակցության նպատակը

Սույն Հուշագրով Ինստիտուտը և Մարզպետարանը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն Հուշագրով համագործակցության շրջանակներում Մարզպետարանը Ինստիտուտին ներկայացնում է մարզում տեղակայված հանրակրթական դպրոցներում «ֆիզիկական կուլտուրա» առարկայի դասավանդման և մարզադպրոցներում մարզումների կազմակերպման, ֆիզիկական կուլտուրայի կիրառման արդյունավետության բարձրացման, հանրային առողջության քարոզչության ոլորտներում ՀՀ Գեղարքունիքի մարզում առկա խնդիրները, որոնց

- ուսումնասիրման և այդ ուսումնասիրությունների արդյունքների հիման վրա Ինստիտուտի մասնագիտական ամբիոններում ձևավորում է մագիստրոսական թեզերի, ատենախոսությունների և այլ գիտագործնական աշխատանքների թեմաներ:
- 2.2 Ինստիտուտը իր պատրաստակամությունն է հայտնում իր ուսանողներին առաջարկել պրակտիկ թեմաներ՝ ՀՀ Գեղարքունիքի մարզում հետազոտություններ իրականացնելու համար, իսկ Մարզպետարանը իր պատրաստակամություն է հայտնում գործուն և առարկայական աջակցություն ցուցաբերել այդ հետազոտություններն իրականացնողներին:
- 2.3 Սույն հուշագրով Կողմերը համագործակցում են նաև
- 2.3.1 համատեղ աշխատանքային խմբերի ձևավորման ինչպես նաև Ինստիտուտի և Մարզպետարանի լիազոր ներկայացուցիչների միջոցով Մարզպետարանում մագիստրոսական թեզերի պաշտպանությունների կազմակերպման և շրջանավարտներին տվյալ ոլորտում ՀՀ Գեղարքունիքի մարզում աշխատանքի անցնելուն աջակցման հարցերի շուրջ
- 2.3.2 ներդրումային, նորարարական, անվանական կրթաթոշակների, դրամաշնորհային ծրագրերի համատեղ իրականացման շուրջ,
- 2.3.3 գիտական համաժողովների, սեմինարների, խորհրդակցությունների կազմակերպման միջոցով,
- 2.3.4 Ինստիտուտի և Մարզպետարանի գործունեության ոլորտներին առնչվող համապատասխան նյութերի հրատարակման գործում
- 2.3.5 Սույն Հուշագրի գործողության շրջանակներում Ինստիտուտի և Մարզպետարանի գործառույթների կատարման համար, ըստ աշխատանքային անհրաժեշտության, մարզաբազաների, տարածքների, գույքի օգտագործման միջոցով,
- 2.3.6 երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների, փորձաքննությունների իրականացման շուրջ,
- 2.3.7 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով,
- 2.3.8 Ինստիտուտի ուսանողների մասնագիտացմանն առնչվող գիտագործնական և մասնագիտական կատարելագործման, ինչպես նաև գիտելիքների և հմտությունների ներդրման ուղղություններով:

3. Համագործակցության սկզբունքները

Ինստիտուտը և Մարզպետարանը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:

- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Գավառ քաղաքում, 2022թ. մարտի 22-ին:
- 4.6 Սույն հուշագիրը ուժի մեջ է մտնում ստորագրման պահից և գործում անժամկետ:

Կողմերի վավերապայմանները և ստորագրությունները

Մարզպետարան

Հայաստանի Հանրապետության
Գեղարքունիքի մարզպետարան

ք. Գավառ, Կենտրոնական հրապարակ 7
Մարզպետ՝ Կարեն Սարգսյան



ստորագրություն՝ Կ.Տ.

Ինստիտուտ

«Հայաստանի ֆիզիկական կուլտուրայի և
սպորտի պետական ինստիտուտ»
հիմնադրամ

ք. Երևան, Ալեք Մանուկյան 11
Ռեկտոր՝ Դավիթ Խիթարյան



ստորագրություն՝ Կ.Տ.